



sokan

Munduko txapelkun bat argitara

Jon

Santacana
Eskiatzailea

Algortakoa da, 19 urte ditu eta SHEE ikasten ari da Gasteizen. Horraino, apartekorik ez. Jon Santacana, ordea, eskiatzailea da, eskiatzaile aparta, nahiz eta pertsona normalen aldean laurden bat besterik ez duen ikusten, eta berriki Munduko txapelkun izan da Crans Montana ondoko Anzere estazioan (Suitza) jokatu den ikusmen gutxikoentzako Mundialean.

Ramon Oñasagasti

• Noiz konturatu zinen besteek bezala ez zenue-
la ikusten?

Eskolan. Zortzi-bederatzi urte izango nituen. Irakasleak hasi ziren ohartzen irakurtzeko eta idazteko, besteak baino gehiago gerturaten nintzela liburura, arbelean ere gauza bera... Gurasoak ere kezkatzen hasi ziren, eta oftalmologoarengana eraman ninduten. Stadgard gaitasuna edo makulopatia dudala diagnostikatu zidaten. Pertsona normal batek ikus dezakeenaren laurdena ikusten dut gaur egun.

• Kirolaria izan zara betidanik?

Ez, gazteago nintzenean ez nintzen oso kirolaria, baina apurka-apurka atletismoa eta batez ere eskia egiten hasi nintzen.

• Familian ere izan da eskiatzaile-
rik, ezta?

Bai, aitona. Oñatiarra da izatez, eta gaztea zenean, ohol zahar batzuk hartu, ubel batzuk jarri eta Aloñatik behera jaisten omen zen eskiatzen. Gurasoak, hala ere, nirekin batera hasi ziren eskiatzen, nik 10 urte nituela.

• Eta lehiaketaren munduan nola eta noiz murgildu zinen?

Ez da denbora asko. Iazko otsailean promozioko kontzentrazioa eta lasterketa batzuetan hartu nuen parte; Espainiako Txapelketan parte hartzeko hautapropa moduko batzuk izan ziren. Txapelketetan Espainiako selekzio-rako zazpi kide hautatu zituzten, baina kanpoan geratu ginenon maila ikusirik, ONCeren bitartez —bera baita taldearen gastuen ardura hartzen duena— selekzioa hamar lagunera zabaldu zen, eta halaxe sartu nintzen ni.

• Beraz, Crans Montanako (Suitza) munduko txapelketa izan da nazio-
arteko zure aurreneko zita.

Bai, halaxe da.

• Lau modalitateetan hartu duzu parte: eslalom, jaitsiera, erraldoia eta super-erraldoia. Zein doakizua hobekien?

Eslaloma, hasiera-hasieratik. Besteetan ere ondo moldatzen naiz, baina eslalomean trebexea goa naizela esango nuke. Emai-

Bat-batean

✖ **Kirol bat**

Eskia, nola ez, eta bestela atletismoa.

✖ **Gustuko jakia?**

Tomate entsalada.

✖ **Non biziko zinateke gustura?**

Mendian, elurra dagoen edozein lekutan.

✖ **Eski pista bat?**

Alpe d'Huezkoa, ederra da.

✖ **Eskiatzaile bat.**

Oraingoan artean Herman Maier. Lehengoetan, Alberto Tomba gustuko nuen.

✖ **Denbora librean zer egiten duzu?**

Kirola, eta musika entzun.

✖ **Zein musika?**

Denetarik: popa, rocka...

✖ **Desio bat?**

Arrakasta izaten jarraitzea.

tzak ere hor dau-
de: eslalomean txapel-
kun izan naiz; erraldoian do-
minak igurtzi nituen, baina
laugarren izan nintzen azke-
nean; super-erraldoian bosga-
rren izan nintzen, eta jaitsie-
ran hamaikagarren.

• **Ikusmenaren arabera, nola banatzen dira mailak?**

B1, B2 eta B3 mailak daude. B1 mailan guztizitsuak direnak aritzen dira; B2 mailan gehixeago ikusten dutenak, eta, azkenik, B3 mailan, ezintasun horren barruan ikusmen gehien dutenak. Ni azken maila horretan aritzen naiz.

• **Proba eta entrenamenduetan beti aldamenen duzun pertsona horren laguntza funtsezkoa da, ezta?**

Oso-oso garrantzitsua. Gidariak ondo baino hobeto ezagutu behar du lasterkaria, eta alderantziz, uneoro biek jakin behar dute zer egin behar duen besteak. Niri Juli Salas katalanak laguntzen dit, Aran bailarako gazte batek. Joan den

urteko otsailean ezagutu genuen elkar, aurrez aipatu dudan promozioko proba horretan, eta harrezkero elkarrekin gabilta. Oso ondo hartzen dugu elkar.

• **Etorkizunera begira, Salt Lake Cityko Joko Paralinpikoak hor daude. Aurrez beste zitarik bai?**

Bai, martxoan Frantzia proba batzuk ditugu, gero Espainiako txapelketak, Europako Txapelketak, eta Europako Kopako probaren batean ere hartuko dugu parte ziurrenik.

• **Zure gaixotasunak badu sendabiderik. Nola dago uneotan medikuntza alor horretan?**

Orain-oragingoz ez dago inolako sendabiderik, ez ebakuntzarik, ez bestelako aurrerapiderik. Betikoa: gertutik irakurtzeko lupak eta horrelakoak, besterik ez.

«Gidariak eta lasterkariak ondo ezagutu behar dute elkar, oso garrantzitsua da hori»